

Խ. ԱՐԽԱՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

ՌԵԿՏՈՐ  
ՀՐԱՄԱՆ

Թիվ ՎՕՑՕ-Ա

02.09 2020 թ.


ՀԱՄԱԼՍԱՐԱՆԻ ՌԵԿՏՈՐԻ 2019 ԹՎԱԿԱՆԻ ՍԵՊՏԵՄԲԵՐԻ 11-Ի ԹԻՎ 2913-Ա  
ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱՉԵԼՈՒ ԵՎ ԿԵՆՍԱԲԱՆՈՒԹՅԱՆ, ՔԻՄԻԱՅԻ ԵՎ  
ԱՇԽԱՐՀԱԳՐՈՒԹՅԱՆ ՖԱԿՈՒԼՏԵՏԻ ԽՈՐՀՐԴԻ ՆՈՐ ԿԱԶՄԸ ՀԱՍՏԱՏԵԼՈՒ ՄԱՍԻՆ

Ղեկավարվելով ՀՀ կառավարության 2016 թվականի փետրվարի 4-ի թիվ 138-Ն որոշմամբ  
հաստատված «Խաչատուր Աբովյանի անվան հայկական պետական մանկավարժական համալսարան»  
հիմնադրամի կանոնադրության 54-րդ կետով և հիմք ընդունելով Կենսաբանության, քիմիայի և  
աշխարհագրության ֆակուլտետի դեկան Ռ. Սադոյանի 2020 թվականի սեպտեմբերի 01-ի զեկուցագիրը՝

ՀՐԱՄԱՅՈՒՄ ԵՄ

1. Ուժը կորցրած ճանաչել Համալսարանի ռեկտորի 2019 թվականի սեպտեմբերի 11-ի թիվ 2913-Ա  
հրամանը:  
2. Կենսաբանության, քիմիայի և աշխարհագրության ֆակուլտետի խորհուրդը հաստատել հետևյալ  
կազմով.

- 1) Ռուզաննա Սադոյան - ֆակուլտետի դեկան
- 2) Հայրապի Հակոբյան - ուսումնական գծով դեկանի տեղակալ
- 3) Ներսես Սամվելյան - գիտության և միջազգային համագործակցության հարցերով դեկանի տեղակալ, արհմ. կոմ կազմ. նախագահ
- 4) Արմեն Թամազյան - ընդհանուր հարցերի գծով պրոռեկտոր
- 5) Կամո Վարդանյան - գիտահետազոտական կենտրոնի ղեկավար
- 6) Աշոտ Խոյեցյան - աշխարհագր. և նրա դաս. մեթոդ. ամբիոնի վարիչ
- 7) Կարինե Դանիելյան - Էկոլոգիայի և կայուն զարգացման ամբիոնի վարիչ
- 8) Սամվել Պիպոյան - կենսաբ., քիմիայի և դրանց դաս. մեթոդ. ամբիոնի վարիչ
- 9) Արմեն Առուստամյան - ք.գ.դ., պրոֆեսոր, կենսաբ., քիմիայի և դրանց դաս. մեթոդ. ամբիոն
- 10) Տիգրան Թանգամյան - մ.գ.դ., պրոֆեսոր, կենսաբ., քիմիայի և դրանց դաս. մեթոդ. ամբիոն
- 11) Գևորգ Կարապետյան - ա.գ.դ., պրոֆեսոր, աշխարհագր. և նրա դաս. մեթոդ. ամբիոն
- 12) Վարուժան Հովհաննիսյան - կ.գ.դ., դոցենտ, Էկոլոգիայի և կայուն զարգացման ամբիոն
- 13) Նարինե Մահակյան - կ.գ.դ., դոցենտ, առաջին բուժօգնության, արտակարգ իրավիճակների և քաղաքաշտպանության ամբիոնի վարիչ
- 14) Լիլիթ Թովմասյան - կենտրոն վարչական շրջանի կրթության, մշակույթի և սպորտի բաժնի պետ
- 15) Անահիտ Մինասյան - մ.գ.թ., դոցենտ, աշխարհագր. և նրա դաս. մեթոդ. ամբիոն
- 16) Լյուդմիլա Ավանեսյան - մ.գ.թ., դոցենտ, Էկոլոգիայի և կայուն զարգացման ամբիոն
- 17) Նարեկ Գրիգորյան - ֆակուլտետի ուսանողական խորհրդի նախագահ
- 18) Մերի Գալստյան - ուսանող
- 19) Նուբար Զախարյան - ուսանող
- 20) Հայկանուշ Պողոսյան - ուսանող
- 21) Դիանա Անիկյան - ուսանող
- 22) Աննա Մամյան - ուսանող
- 23) Էրիկ Հավհաննիսյան - ուսանող
- 24) Անդրանիկ Շողեյան - ուսանող
- 25) Անի Թամրազյան - ուսանող



*h. Arakelyan*

ԱՐՁԱՆԱԳՐՈՒԹՅՈՒՆ ԹԻՎ 1

2020թ. Սեպտեմբերի 10-ին տեղի ունեցավ կենսաբանության, քիմիայի և աշխարհագրության ֆակուլտետի խորհրդի թիվ 1 նիստը:

Օ Ր Ա Կ Ա Ր Գ ՈՒ Մ

1. Ֆակուլտետի խորհրդի 2020-2021 ուս. տարվա աշխատանքային պլանի քննարկում և հաստատում: Ջեկ. Ն. Սամվելյան
2. 2020-2021 ուս. տարվա 1-ին կիսամյակի ամբիոնների աշխատանքային պլանի քննարկում: Ջեկ. Ամբիոնների վարիչներ
3. Տեղեկատվություն բակալավրիատի և մագիստրատուրայի 1-ին կուրսերի ընդունելության վերաբերյալ: Ջեկ. Ռ. Սադոյան
4. Google classroom հարթակում ֆակուլտետի պոռֆեսորադասախոսական անձնակազմի կողմից իրականացվող աշխատանքների մասին տեղեկատվություն (ԱՌԻՄՓ-ների մշակվածություն, առարկայական նկարագրեր, թեմատիկ տրոհումներ): Ջեկ. Ռ. Սադոյան և ամբիոնների վարիչներ
5. Ամբիոններում «Դասընթաց ուսանողի ընտրությամբ» առարկաների ցանկի քննարկում և հաստատում: Ջեկ. Ամբիոնների վարիչներ
6. Բակալավրիատի 3-րդ և 4-րդ, մագիստրատուրա 2-րդ կուրսերում մանկավարժական պրակտիկայի կազմակերպում, և բակալավր հեռակա 4-րդ կուրսի պրակտիկայի կազմակերպման վերաբերյալ տեղեկատվություն: Ջեկ. Ռ. Միմոնյան, Վ. Հովսեփյան
7. Ընթացիկ հարցեր:

**Լսեցին-** Ն. Սամվելյանի հաղորդումը ֆակուլտետի խորհրդի 2020-2021 ուս. տարվա աշխատանքային պլանի քննարկման և հաստատման վերաբերյալ: Նա նշեց որ, ֆակուլտետի խորհրդի հաստատմանը ներկայացվող աշխատանքային պլանում մասնակի փոփոխություններ են կատարվել կապված համաճարակային իրավիճակի հետ և հարմարեցված է ֆակուլտետի առցանց աշխատանքի ձևաչափին: Մասնավորապես կատարվել են նիստերի օրակարգի հարցերի որոշակի խտացումներ: Հարցը դրվեց քվեարկության և անցավ միաձայն:

**Որոշեցին-** Ն. Սամվելյանի հաղորդումը ընդունել ի գիտություն և հաստատել 2020-2021 ուս. տարվա աշխատանքային պլանը:

**Լսեցին-** Ֆակուլտետի խորհրդի նախագահ Ռ. Սադոյանի առաջարկությամբ օրակարգում ընգրկված 2,4 և 5-րդ հարցերի վերաբերյալ ամբիոնների վարիչների զեկուցումը 2020-2021 ուս. տարվա 1-ին կիսամյակի ամբիոնների աշխատանքային պլանի, Google classroom հարթակում ֆակուլտետի պոռֆեսորադասախոսական անձնակազմի կողմից իրականացվող աշխատանքների (ԱՌԻՄՓ-ների մշակվածություն, առարկայական նկարագրեր, թեմատիկ տրոհումներ) և ամբիոններում «Դասընթաց ուսանողի ընտրությամբ» առարկաների ցանկի վերաբերյալ:

**Արտահայտվեցին-** Ս. Պիպոյանը 2-րդ հարցի վերաբերյալ նշեց, որ որ կազմվել է ԿՔԴՄ ամբիոնի 2020-2021 ուս. տարվա աշխատանքային պլանը: Աշխատանքային պլանում տեղ են գտել ուսումնական գործընթացի իրավիճակի քննարկումների հետ կապված հարցեր, առարկաների ընտրության և դրանց դասավանդման մեթոդական մոտեցումներին վերաբերող հարցեր, ամբիոնի գիտամանկավարժական աշխատանքների կազմակերպման հետ առնչվող հարցեր, մասնավորապես պրոֆեսորադասախոսական անձնակազմի ուսումնամեթոդական և գիտահետազոտական գործունեությանն առնչվող հարցեր: Այս բոլոր հիմնահարցերը մշտապես գտնվում են ամբիոնի ուշադրության կետրոնում:

Ընտրովի դասընթացների վերաբերյալ նա ներկայացրեց դասավանդվող առարկաների ամբողջական ցանկը ըստ կուրսերի և դասավանդող դասախոսների: 4-րդ հարցի վերաբերյալ Ս. Պիպոյանը նշեց որ, Google classroom հարթակում ամբիոնի դասախոսների կողմից նախատեսված ժամկետների մեջ տեղադրվել են առակայական նկարագրերը, թեմատիկ տրոհումները, դասախոսությունների փաթեթները և հարցաշարերը:

Ս. Խոյեցյանը 4-րդ հարցի վերաբերյալ նշեց, որ Google classroom հարթակում ամբիոնի կողմից շարունակական աշխատանքներ են տարվում հիմնականում արդեն տեղադրված են ամբիոնում դասավանդվող առարկանների առակայական նկարագրերը, թեմատիկ տրոհումները, դասախոսությունների փաթեթները և հարցաշարերը: Ամբիոնի կողմից հետևողական աշխատանք է տարվում ամեն տարի հարցաշարերը վերանայելու ուղղությամբ: Առաջիկա ամբիոնի նիստում քննարկելու ենք հասախոսների կողմից ներկայացված ավարտական աշխատանքների և մագիստրոսական թեզերի վերնագրերը: Ինչ վերաբերում է աշխատանքային պլանին նա նշեց, որ այն ընդգրկում է յուրաքանչյուր ամսվա ընթացքում ամբիոնի աշխատանքային գործառույթները պրակտիկաների կազմակերպման և ղեկավարման աշխատանքները, առաձևահատուկ ուշադրության է արժանացած հեռավար ուսուցման գործընթացի կազմակերպման և արդյունավետ կատարման հարցերը: Դրանց պարտադիր անդրադառնում ենք ամենամսյա ամբիոնի նիստերի ընթացիք հարցերում: Ընտրովի դասընթացների վերաբերյալ Ս. Խոյեցյանը նշեց, որ ունենք նոր առարկա ռազմական աշխարհագրություն բակալավրիատի 3-րդ կուրսի 2-րդ կիսամյակում, որի ուսումնական պլանը կազմվել է մեր կողմից առարկան դասավանդելու է պրոֆեսոր Կարապետյանը: Նա նույնպես ներկայացրեց ընտրովի դասընթացների ամբողջ ցանկը

Լ. Ավանեսյանը նշեց, որ Էկոլոգիայի և կայուն զարգացման ամբիոնում պատրաստ է աշխատանքների լրամշակված պլանը, որն ընդգրկում է ըստ ամիսների ամբիոնի գիտամանկավարժական և ուսումնահետազոտական աշխատանքների ողջ գործընթացը: Նա ներկայացրեց բակալավրիատիում և մագիստրատուրայում այս տարի նախատեսված բոլոր ընտրովի դասընթացների անվանացանկը: Ռ. Սադոյանը ամփոփելով ամբիոնների վարիչների զեկուցումները ընգծեց, որ հսկայածավալ աշխատանքներ են կատարվել ամբիոններում և հավանություն տվեց ԱԴՄ և ԿՔԴՄ ամբիոնների վարիչների այն առաջարկին, որ ավարտական աշխատանքների թեմաները նպատակահարմար է շուտ բաշխել, որպեսզի ուսանողները հնարավորինս շատ ժամանակ ունենան աշխատելու:

**Որոշեցին-** Ամբիոնների վարիչների հաղորդումը ընդունել ի գիտություն:

**Լսեցին-** Ռ. Սիմոնյանի հաղորդումը բակալավրիատի 3-րդ և 4-րդ, մագիստրատուրա 2-րդ կուրսերում մանկավարժական պրակտիկայի կազմակերպման վերաբերյալ: Ռ. Սիմոնյանը նշեց, որ բոլորս տեղյակ ենք որ, բավականին բարդ իրավիճակում ենք հայտնվել պրակտիկաների կազմակերպման առումով: Բան այն է, որ բոլոր դպրոցները ելնելով անվտանգության կանոններից և առերեսման տարբերակը բացառված է, ուսուցիչները պետք է անցնեն թեստավորում մեզ մնում է առցանց տարբերակը: Նա ներկայացրեց մի քանի ձևեր որոնք կարող են կիրառվել պրակտիկաները կազակերպելիս: Դրանք հավանության արժանացան ֆակուլտետի խորհրդի կողմից:

**Լսեցին-** Վ. Հովսեփյանի գեկույցը բակալավր հեռակա 4-րդ կուրսի պրակտիկայի կազմակերպման վերաբերյալ: Նա նշեց, որ տիկին Սիմոնյանի մտահոգությունը տեղին է և նույն խնդիրը կա նաև հեռակա բաժնի ուսանողների պրակտիկայի կազմակերպման գործընթացում: Նախորդ կիսամյակի փորձը օգտագործելով, այս կիսամյակում ևս պրակտիկաները կկազմակերպվեն առցանց՝ տիկին Սիմոնյանի առաջարկած ձևաչափերով:

**Որոշեցին-** Ընդունել ի գիտություն:

**Լսեցին-** Ռ. Սադոյանի հաղորդումը բակալավրիատի և մագիստրատուրայի 1-ին կուրսերի ընդունելության վերաբերյալ: Նա նշեց, որ համաձայնաբար պայմաններում ընդունելությունը ցանկալի քանակ չի ապահովել և մենք այս տարի ակնկալում էինք ավելի մեծ թվով դիմորդներ: Նա ներկայացրեց ֆակուլտետ ընդունված ուսանողների թվաքանակի ընդհանուր պատկերը

**Բակալավր**

Կենսաբանություն -13

Աշխարհագրություն- 19

Քիմիա- 4

Շրջակա միջավայրի գիտություններ -2

**Մագիստրատուրա**

Աշխարհագրություն -8

Կենսաբանություն -5

Քիմիա- 4

Լանդշաֆտային պլանավորում - 5

Շրջակա միջավայրի գիտություններ-7

**Որոշեցին-** Ընդունել ի գիտություն:

**Ընթացիկ հարցեր:**

**Լսեցին-** Ն. Սամվելյանի հաղորդումը մանկավարժական գիտությունների թեկնածու, դոցենտ Հասմիկ Գրիգորի Սարգսյանին ԺԳ.00.02-դասական մեթոդիկա (կենսաբանության դասավանդման մեթոդիկա) դասաչով մանկավարժական գիտությունների գծով թեկնածուական ատենախոսություններ ղեկավարելու թույլտվություն ստանալու միջնորդության վերաբերյալ:

**Արտահայտվեցին-** Ռ. Սարգսյանը, Ս. Պիպոյանը, Տ. Թանգամյանը, Ա. Խոյեցյանը, ովքեր նշեցին, որ Հասմիկ Սարգսյանն ունի ՀՀ ԲՈԿ-ի կողմից պահանջվող համապատասխան քանակությամբ գիտական հրապարակումներ և երկարամյա գիտամանկավարժական աշխատանքային փորձ:

**Որոշեցին-** Դիմել ՀՊՄՀ գիտական խորհրդին միջնորդություն ներկայացնել ՀՀ ԲՈԿ մանկավարժական գիտությունների թեկնածու, դոցենտ Հասմիկ Սարգսյանին թեկնածուական ատենախոսություններ ղեկավարելու թույլտվություն տրամադրելու համար:

**Լսեցին-** Ռ. Սարգսյանի ամփոփիչ հաշվետվությունը «Հատիկաընդդեմ մշակաբույսերի սելեկցիոն սորտերի մշակության արդյունավետ տեխնոլոգիաների ուսումնասիրություն և ընտրություն» ծրագրի վերաբերյալ: Նա ներկայացրեց ծրագրի շրջանակներում կատարված հետազոտական աշխատանքները և ստացված արդյունքները:

**Արտահայտվեցին-** Ն.Սամվելյանը, Տ. Թանգամյանը, Լ. Ավանեսյանը, Վ. Հովհաննիսյանը, ովքեր դրական գնահատեցին կատարված հետազոտական աշխատանքները:

**Որոշեցին-** Ամփոփիչ հաշվետվությունը ընդունել ի գիտություն, իսկ կատարված աշխատանքը համարել բավարար:

Կենսաբանության, քիմիայի և աշխարհագրության  
Ֆակուլտետի խորհրդի նախագահ  
Նիսիի քաղաքում



Ռ. Սարգսյան

Ն. Սամվելյան

## ԱՐՁԱՆԱԳՐՈՒԹՅՈՒՆ ԹԻՎ 5

2021թ. Մարտի 15-ին տեղի ունեցավ կենսաբանության, քիմիայի և աշխարհագրության ֆակուլտետի խորհրդի թիվ 5 նիստը:

### Օ Ր Ա Կ Ա Ր Գ ՈՒ Մ

1. 2020-2021 ուս.տարվա 1-ին կիսամյակի քննաշրջանի պարտքերի մարման արդյունքների ամփոփում: **Զեկ. Ռ. Սադոյան**
2. Տեղեկատվություն առկա ուսուցման համակարգի բակալավրիատի 3-րդ և մագիստրատուրա 1-ին կուրսերում մանկավարժական պրակտիկայի կազմակերպման և բակալավրիատի 2-րդ կուրսերի պրակտիկայի ընթացքի վերաբերյալ: **Զեկ. Ռ. Միմոնյան**
3. Հեռակա ուսուցման 3-րդ և 5-րդ կուրսերի մանկավարժական պրակտիկայի ընթացքի և հեռակա ուսուցման 4-րդ կուրսի մանկավարժական պրակտիկայի թղթապանակների պաշտպանության ժամանակացույցի վերաբերյալ տեղեկատվություն: **Զեկ. Վ. Հովսեփյան**
4. Տեղեկատվություն բակալավրիատի 4-րդ կուրսերի ավարտական աշխատանքների և մագիստրատուրայի 1-ին և 2-րդ կուրսերում մագիստրոսական թեզերի կատարման ընթացքի մասին: **Զեկ. Ամբիոնների վարիչներ**
5. Տեղեկատվություն 2020 թ.-ի ամբիոնների ռազմավարական պլանի կատարողականի և 2021թ.-ի տարեկան գործողությունների պլանի վերաբերյալ: **Զեկ. Ամբիոնների վարիչներ**
6. Ընթացիկ հարցեր:

**Լսեցին-** Ֆակուլտետի ղեկան Ռ. Սադոյանի հաղորդումը 2020-2021 ուս.տարվա 1-ին կիսամյակի քննաշրջանի պարտքերի մարման արդյունքների վերաբերյալ: Նա ներկայացրեց քննաշրջանի պարտքերի մարման արդյունքների ամփոփ պատկերը: Տեղեկատվությունը կցվում է:

**Որոշեցին-** Ընդունել ի գիտություն:

**Լսեցին-** Ֆակուլտետի պրակտիկայի ղեկավար Ռ. Միմոնյանի տեղեկատվությունը առկա ուսուցման համակարգի բակալավրիատի 3-րդ և մագիստրատուրա 1-ին կուրսերում մանկավարժական պրակտիկայի կազմակերպման և բակալավրիատի 2-րդ կուրսերի պրակտիկայի ընթացքի վերաբերյալ: Նա նշեց, որ առկա համակարգում ունենք 3 մանկավարժական պրակտիկա, որից երկուսը ընթացքի մեջ են և մեկնարկել են փետրվարի 15-ից: Ուսանողները բաժանվել են 3 խմբի, պրակտիկայի ընթացքում եղան կազմակերպչական որոշ խնդիրներ, որոնք հարթվել են: Բակալավրիատի 3-րդ կուրսերում ունենք 2 ուսանող, որոնք ունեին ակադեմիական պարտք: Նրանց տրվեց հնարավորություն վերահանձնելու մանկավարժական պրակտիկան: Ուսանողներից մեկը արդեն հանձնել է մյուսը դեռ ընթացքի մեջ է:

**Որոշեցին-** Ընդունել ի գիտություն:

**Լսեցին-** Ֆակուլտետի հեռակա ուսուցման համակարգի պրակտիկայի ղեկավար Վ. Հովսեփյանի տեղեկատվությունը հեռակա ուսուցման 3-րդ և 5-րդ կուրսերի մանկավարժական պրակտիկայի ընթացքի և հեռակա ուսուցման 4-րդ կուրսի մանկավարժական պրակտիկայի թղթապանակների պաշտպանության ժամանակացույցի վերաբերյալ: Նա նշեց, որ 3-րդ և 5-րդ կուրսերի մանկավարժական պրակտիկան ընթացքի մեջ է, իսկ 4-րդ կուրսի պրակտիկան ավարտվել է և կազմակերպվել ուսանողների թղթապանակների պաշտպանություն առցանց տարբերակով: Կազմված է ժամանակացույց ինչպես նաև կազմակերպվում է վերահսկողություն ընթացիք պրակտիկայի վերաբերյալ:

Նա նաև նշեց, որ հեռակա 5-րդ և աշխարհագրություն բաժնի 3-րդ կուրսի ուսանողները անցնում են առցանց, իսկ կենսաբանության բաժնի 3-րդ կուրսի ուսանողները առերես պրակտիկա:

**Որոշեցին-** Ընդունել ի գիտություն:

**Լսեցին-** Ֆակուլտետի ամբիոնների վարիչների հաղորդումը բակալավրիատի 4-րդ կուրսերի ավարտական աշխատանքների և մագիստրատուրայի 1-ին և 2-րդ կուրսերում մագիստրոսական թեզերի կատարման ընթացքի վերաբերյալ:

Ա. Խոյեցյանը նշեց, որ կիսամյակի մեկնարկից սկսած ամենամյա աշխատանքներ են իրականացվում ավարտական աշխատանքների և մագիստրոսական թեզերի կատարման ընթացքին հետևելու ուղղությամբ, ամբիոնի նիստերին ղեկավարները ներկայացնում են ընթացիք վիճակը: Ընդհանուր առմամբ խնդիրներ չկան, ակնկալում ենք ապրիլի առաջին կեսին կազմակերպել աշխատանքերի 1-ին նախապաշտպանությունը, սիկ ապրիլի 2-րդ կեսին 2-րդ նախապաշտպանությունը: Նա նաև նշեց, որ ամբիոնը խնդիր ունի 2 ուսանողի հետ ովքեր ավարտական աշխատանքի դեռ ոչ մի նյութ չեն ներկայացրել (մեկը զինվոր է, մյուսը 2 երեխա խնամող աղջիկ), սակայն կարծում ենք, որ համապատասխան ժամկետներում այդ ուսանողները կավարտեն իրենց աշխատանքները:

Ս. Պիպոյանը նշեց, որ կենսաբանության, քիմիայի և նրանց դասավանդման մեթոդիկայի ամբիոնում ավարտական աշխատանք են կատարում կենսաբանության առկա ուսուցման համակարգում 19, հեռակա ուսուցման համակարգում 18, իսկ քիմիայի բաժնում համապատասխանաբար 2 և 5 ուսանող: Մագիստրոսական թեզեր են գրում կենսաբանության բաժնում 9 քիմիայի բաժնում 6 ուսանող: Նա նաև նշեց, որ ավարտական աշխատանքերի և թեզերի կատարման ընթացքը վերահսկվում է, յուրաքանչյուր ամիս ամբիոնի նիստերում քննարկվում է դրանց ընթացքը: Մշակվել է նաև ժամանակացույց նախապաշտպանություններ կազմակերպելու համար: Առաջին նախապաշտպանությունն արդեն կայացել է մարտ ամսվա սկզբին Ս. Պիպոյանը առանձնահատուկ մատնանշեց այն հանգամանքը, որ ամբիոնը հիմնական ուշադրությունը ուղղում է աշխատանքերի փորձարարական բաղադրիչի վրա:

Լ. Ավանեսյանը նշեց, որ Էկոլոգիայի և կայուն զարգացման ամբիոնում ավարտական աշխատանք են կատարում 2 և մագիստրոսական թեզ 6 ուսանողներ: Աշխատանքները գտնվում են ավարտական փուլում և ունեն վարեհաջող ընթացք, կազմակերպվելու է նախապաշտպանություն:

Ն. Սահակյանը նշեց, որ ամբիոնին տրված է 1 մագիստրոսական աշխատանք 1-ին կուրսում:

**Արտահայտվեցին-** Ա. Մինասյանը առաջարկեց ավարտական աշխատանքների և մագիստրոսական թեզերի թեմաների շրջանակում համագործակցել կրթության գիտության, սպորտի և երիտասարդության նախարարության համապատասխան վարչությունների հետ: Առաջարկը դրական արձագանք ունեցավ:

**Որոշեցին-** Աշխատանքները գնահատել բավարար և ընդունել ի գիտություն:

**Լսեցին-**Ֆակուլտետի ամբիոնների վարիչների տեղեկատվությունը 2020 թ.-ի ամբիոնների ռազմավարական պլանի կատարողականի և 2021թ.-ի տարեկան գործողությունների պլանի վերաբերյալ: Ա. Խոյեցյանը, Ս. Պիպոյանը ովքեր նշեցին, որ ամբիոնները մշակել և ներկայացրել են ռազմավարական ծրագրի 5-ամյա գործողությունների պլանը, որում 2021թ-ին նախատեսված տարեկան գործողությունների կատարումը ընթացքի մեջ է: Նրանք նաև նշեցին, որ 2020թվականի ամբիոնների ռազմավարական պլանի կատարողականի ամփոփ հաշվետվությունը ներկայացվել է համապատասխան բաժին:

**Արտահայտվեցին-** Ռ. Սադոյանը, Տ. Թանգամյանը, Ա. Մինասյանը ովքեր տվեցին դրական գնահատականներ ամբիոններում զարգացման ռազմավարական ծրագրի տարեկան գործողությունների կատարման գործընթացին:

**Որոշեցին-** Ընդունել ի գիտություն:

**Լսեցին-** Ռ. Սադոյանի հաղորդումը ԱԴՄ ամբիոնի դոցենտ Ա. Աջամոլյանի և Էլեկտրոնային քարտեզագիր Տ. Բաբայանի «Երկրատեղեկատվական համակարգեր» վերնագրով ձեռնարկը հրատարկման երաշխավորելու հարցի վերաբերյալ: Նիստին հրավիրված էին նաև ձեռնարկի հեղինակները, բայց ներկայացավ միայն Տ. Բաբայանը: Ռ. Սադոյանը նշեց, որ ձեռնարկը ֆակուլտետի խորհրդի քննարկման է ներկայացվում 2-րդ անգամ: Առաջին քննարկմանը խորհրդի անդամների կողմից կատարվել էին համապատասխան դիտողություններ և հեղինակներին առաջարկվել էր լրամշակել աշխատանքն ու վերջնական տարբերակը ներկայացնել խորհրդի անդամներին քննարկման: Ռ. Սադոյանը նաև նշեց, որ մանրակրկիտ ծանոթացել է ներկայացված աշխատանքի բովանդակությանը և ներկայացրեց վերջինիս գիտաուսումնական և մեթոդամանկավարժական բովանդակության վերաբերյալ հիմնարար դիտողություններ: Հատուկ շեշտադրվեց նաև աշխատանքում առկա տեխնիկական վրիպակները:

**Արտահայտվեցին-** Ա. Խոյեցյանը, Ն. Սամվելյանը, Ս. Պիպոյանը, Տ. Թանգամյանը, ովքեր առաջարկեցին թե բովանդակային և թե մեթոդաբանական առումով աշխատանքը նորից վերանայել, կատարել համապատասխան շտկումներ և լրամշակված վերջնական տարբերակը ներկայացնել ամբիոնի քննարկմանը:

**Որոշեցին-** Հաշվի առնելով ելույթ ունեցողների կարծիքը և այն հանգամանքը, որ ներկայացված աշխատանքն ունի ինչպես բովանդակա-կառուցվածքային, այնպես էլ տեխնիկական առումներով շատ լուրջ լրամշակման կարիք՝ նշված թերություններով և բացթողումներով այն չի կարող երաշխավորվել հրատարակման:

Կենսաբանության, քիմիայի և աշխարհագրության

Ֆակուլտետի խորհրդի նախագահ՝

Նիստի քարտուղար՝

Ռ. Սադոյան

Ն. Սամվելյան

## ԱՐՁԱՆԱԳՐՈՒԹՅՈՒՆ ԹԻՎ 6

2021թ. Մայիսի 5-ին տեղի ունեցավ կենսաբանության, քիմիայի և աշխարհագրության ֆակուլտետի խորհրդի թիվ 6 նիստը:

### Օ Ր Ա Կ Ա Ր Գ ՈՒ Մ

1. Ավարտական 4-րդ և մագիստրատուրայի 2-րդ կուրսերի պետական քննությունների գրաֆիկների քննարկում և հաստատում: **Ջեկ. Ռ. Սադոյան**
2. Պետական քննությունների նախապատրաստման աշխատանքների մասին հաշվետվություն, հանձնաժողովների նախագահների ներկայացում: **Ջեկ. Ամբիոնների վարիչներ և Ռ. Սադոյան**
3. Հեռակա ուսուցման ուսանողների ավարտական աշխատանքների ընթացքի վերաբերյալ տեղեկատվություն: **Ջեկ. Ամբիոնների վարիչներ**
4. Տեղեկատվություն ավարտական կուրսերի ավարտական աշխատանքների և մագիստրոսական թեզերի ատեստավորման վերաբերյալ: **Ջեկ. Ամբիոնների վարիչներ**
5. Հեռակա 3-րդ, 4-րդ և 5-րդ կուրսերի պրակտիկաների պաշտպանության ամփոփում: **Ջեկ. Վ. Հովսեփյան**
6. Ընթացիկ հարցեր:

**Լսեցին-** Ռ. Սադոյանի հաղորդումը ավարտական 4-րդ և մագիստրատուրայի 2-րդ կուրսերի պետական քննությունների գրաֆիկների քննարկման և հաստատման հարցի վերաբերյալ: Նա նշեց, որ ի տարբերություն նախորդ տարվա, այս տարի մեր կողմից առաջարկվել է ամփոփիչ ատեստավորման քննությունները կազմակերպել առերես: Ռ. Սադոյանը ներկայացրեց քննարկման ավարտական 4-րդ և մագիստրատուրայի 2-րդ կուրսերի պետական քննությունների գրաֆիկը (գրաֆիկը կցվում է): Գրաֆիկների հաստատման հարցը դրվեց քվեարկության, որն անցավ միաձայն:

**Որոշեցին-** Ավարտական 4-րդ և մագիստրատուրայի 2-րդ կուրսերի պետական քննությունների գրաֆիկները հաստատել:

**Լսեցին-** Ռ. Սադոյանի և ամբիոնների վարիչների հաշվետվությունը պետական քննությունների նախապատրաստման աշխատանքների վերաբերյալ: Ռ. Սադոյանը, Ս. Պիպոյանը և Ն. Սամվելյանը նշեցին, որ ֆակուլտետում և ամբիոններում ընթանում են նախապատրաստական աշխատանքներ: Ամբիոններում անցկացվել են 2 փուլերով նախապաշտպանություններ: Ռ. Սադոյանը նշեց, որ այն դեպքում, եթե նախապաշտպանությունների արդյունքում ուսանողի կատարած աշխատանքը չի համապատասխանի դրանց ներկայացվող պահանջներին՝ տվյալ ուսանողը չի

ատեստավորվի և չի երաշխավորվի ամփոփիչ ատեստավորման քննություններին մասնակցության:

**Ռ.** Սադոյանը ներկայացրեց նաև պետական քննական հանձնաժողովների նախագահներին և անդամներին:

**Որոշեցին-** Ռ. Սադոյանի և ամբիոնների վարիչների հաղորդումն ընդունել ի գիտություն:

**Լսեցին-** Ամբիոնների վարիչների հաղորդումը ուսուցման առկա և հեռակա համակարգերի ուսանողների ավարտական աշխատանքների ընթացքի, առկա ուսուցման ուսանողների ավարտական աշխատանքների և մագիստրոսական թեզերի ատեստավորման վերաբերյալ:

**Ս.** Պիպոյանը նշեց, որ ԿՔԴՄ ամբիոնում 2 փուլով կազմակերպվել են նախապաշտպանություններ բակալավրիատի առկա ուսուցման և մագիստրատուրայի 2-րդ կուրսի ուսանողների համար, իսկ հեռակա ուսուցման ուսանողների նախապաշտպանությունները կկազմակերպվեն մայիսի 11-ին և 13-ին (տեղեկատվությունը կցվում է ստորև):

**Ն.** Մամվեյանը նշեց, որ ԱԴՄ ամբիոնում ապրիլի 26-ից ապրիլի 29-ը կազմակերպվել է ավարտական աշխատանքների և մագիստրոսական թեզերի նախապաշտպանության 2-րդ փուլը: Նա նաև նշեց, որ նախապաշտպանությանը մասնակցել է թվով 52 ուսանող, որոնցից 22-ը՝ առկա, 15-ը՝ հեռակա ուսուցման բաժնի ուսանողներ, իսկ 15-ը՝ «Լանդշաֆտային պլանավորում» և «Աշխարհագրություն» մասնագիտությամբ: Նախապաշտպանությունը անցել են բոլոր ուսանողները և բոլորն էլ ատեստավորվել են, բացառությամբ 3 ուսանողի, որոնց ղեկավարների պատասխանատվությամբ ժամանակ տրվեց աշխատանքները ավարտուն տեսքի բերելու համար: Մագիստրատուրայի 1 ուսանող էլ այդ պահին ունեցած ուսման վարձի պարտքի պատճառով չի երաշխավորվել պաշտպանության:

**Արտահայտվեցին-** Ռ. Սադոյանը հորդորեց մեծագույն պատասխանատվությամբ մոտենալ ավարտական աշխատանքների և մագիստրոսական թեզերի պաշտպանության գործընթացին՝ ապահովելով որակյալ աշխատանքների ներկայացում:

**Որոշեցին-** Ամբիոնների վարիչների տեղեկատվությունն ընդունել ի գիտություն:

**Լսեցին-** Վ. Հովսեփյանի հաշվետվությունը հեռակա 3-րդ, 4-րդ և 5-րդ կուրսերի պրակտիկաների պաշտպանության ամփոփիչ փուլի վերաբերյալ: Նա նշեց, որ ուսանողների մի մասի պաշտպանությունը կազմակերպվել է առերես, մի մասինն էլ՝ առցանց ձևաչափով: Պաշտպանության չեն ներկայացվել 5 ուսանող, անբավարար գնահատական ստացել է 6 ուսանող: Վ. Հովսեփյանի հաշվետվությունը կցվում է:

**Որոշեցին-** Վ. Հովսեփյանի հաշվետվությունն ընդունել ի գիտություն:

**Լսեցին-** Ռ. Սադոյանի հաղորդումը համալսարանի հոգաբարձուների խորհրդի կազմում թեկնածու առաջադրելու հարցի վերաբերյալ: Նա նշեց, որ ստացվել է գրություն, որով առաջարկվում է ֆակուլտետի խորհրդում քննարկել և ներկայացնել հոգաբարձուների խորհրդի անդամության մեկ թեկնածու՝ համալսարանի գիտական խորհրդի նիստում քննարկելու համար:

Ռ. Սադոյանն առաջարկեց բժշկական գիտությունների դոկտոր, պրոֆեսոր Ստեփան Վաղինակի Գրիգորյանի թեկնածությունը:

**Արտահայտվեցին-** Ս. Պիպոյանը, Ա. Առուստամյանը, Ն. Սամվելյանը, ովքեր նշեցին, որ ճանաչում են Ստեփան Գրիգորյանին, ով դասավանդել է ֆակուլտետում և դրսևորել մասնագիտական ու մարդկային բարձր որակներ: Արտահայտվեց նաև Ստեփան Գրիգորյանը, ով շնորհակալություն հայտնեց իր թեկնածությունը առաջադրելու և բարձր վստահության համար:

**Որոշեցին-** Համալսարանի հոգաբարձուների խորհրդի կազմում առաջադրել Ստեփան Վաղինակի Գրիգորյանի թեկնածությունը:

**Լսեցին-** Կ. Վարդանյանի հաղորդումը՝ ավարտական աշխատանքների և մագիստրոսական թեզերի թեմաներում մասնակի փոփոխություններ կատարելու վերաբերյալ: Նա նշեց, որ թույլատրելի է թեմաների անվանումների մասնակի փոփոխությունը՝ եթե դրա կարիքը կա:

**Արտահայտվեցին-** Ս. Պիպոյանը, Տ. Թանգամյանը, ովքեր դրական արձագանքեցին առաջարկությանը:

**Որոշեցին-** Ավարտական և մագիստրոսական աշխատանքների անվանումների մասնակի փոփոխությունները հաստատել:

**Լսեցին-** Առաջին բուժօգնության, արտակարգ իրավիճակների և քաղաքաշտպանության ամբիոնի վարիչի պաշտոնակատար Ն. Սահակյանի հաղորդումը մանկավարժական պրակտիկային ամբիոնի մասնակցելու հարցի վերաբերյալ: Նա առաջարկեց ամբիոնի մասնակցությունը, «Կենսաբանություն» դպրոցական առարկայի մաս կազմող, Մարդու անատոմիայի և ֆիզիոլոգիայի բաժիններին առընչվող մանկավարժական պրակտիկային:

**Արտահայտվեցին -** Ռ. Սադոյանը, Ս. Պիպոյանը, Վ. Հովսեփյանը, ովքեր նշեցին, որ ԿՔԴՄ ամբիոնի պրակտիկայի ղեկավար-մեթոդիստները լիարժեք ապահովում և վերահսկում են «Կենսաբանություն» դպրոցական առարկայի շրջանակներում մարդու անատոմիային և ֆիզիոլոգիային վերաբերող թեմաները դասավանդող ուսանողների մանկավարժական պրակտիկան:

**Որոշեցին-** Ֆակուլտետի խորհուրդը չի առարկում Առաջին բուժօգնության, արտակարգ իրավիճակների և քաղաքաշտպանության ամբիոնի մասնակցությունը մանկավարժական պրակտիկային, սակայն դա չպետք է իրականացվի ԿՔԴՄ ամբիոնի ժամերի հաշվին:

Կենսաբանության, քիմիայի և աշխարհագրության

Ֆակուլտետի խորհրդի նախագահ՝

Ռ. Սադոյան

Նիստի քարտուղար՝

Ն. Սամվելյ

## ԱՐՁԱՆԱԳՐՈՒԹՅՈՒՆ ԹԻՎ 7

2021թ. հուլիսի 7-ին տեղի ունեցավ կենսաբանության, քիմիայի և աշխարհագրության ֆակուլտետի խորհրդի թիվ 7 նիստը:

### Օ Ր Ա Կ Ա Ր Գ ՈՒ Մ

1. Բակալավրիատի և մագիստրատուրայի առկա ուսուցման և բակալավրիատի հեռակա ուսուցման համակարգերում 2020-2021 ուս. տարվա ամփոփիչ ատեստավորման արդյունքների ամփոփում և պետական քննական հանձնաժողովների նախագահների հաշվետվությունների ներկայացում և քննարկում: **Ձեկ. Ռ. Սաղոյան**
2. 2020-2021 ուս. տարվա 2-րդ կիսամյակի քննաշրջանի արդյունքների ամփոփում: **Ձեկ. Ռ. Սաղոյան**
3. Առկա ուսուցման մագիստրատուրայի 1-ին կուրսի և հեռակա ուսուցման մագիստրատուրայի 1-ին և 2-րդ կուրսերի մագիստրոսական թեզերի կատարման ընթացքի վերաբերյալ տեղեկատվություն: **Ձեկ. Ամբիոնների վարիչներ**
4. 2020-2021 ուս. տարում ամբիոններում կատարված աշխատանքների հաշվետվություն, քննարկում և գնահատում: **Ձեկ. Ամբիոնների վարիչներ**
5. Տեղեկատվություն ամբիոններում կատարված գիտական աշխատանքների վերաբերյալ: **Ձեկ. Ն. Սամվելյան**
6. Բակալավրիատի առկա ուսուցման 2-րդ և 3-րդ կուրսերի պրակտիկայի պաշտպանության արդյունքների ամփոփում: **Ձեկ. Ռ. Միմոնյան**
7. Ֆակուլտետի ուսխորհրդի 2020-2021 ուս. տարում կատարած աշխատանքների տարեկան հաշվետվություն: **Ձեկ. Ն. Գրիգորյան**
8. Ընթացիկ հարցեր:

**Լսեցին-** Ռ. Սաղոյանի հաղորդումը բակալավրիատի և մագիստրատուրայի առկա ուսուցման և բակալավրիատի հեռակա ուսուցման համակարգերում 2020-2021 ուս. տարվա ամփոփիչ ատեստավորման արդյունքների և պետական քննական հանձնաժողովների նախագահների հաշվետվությունների վերաբերյալ: Ռ. Սաղոյանը ներկայացրեց 2020-2021 ուս. տարվա ամփոփիչ ատեստավորման արդյունքները և պետական քննական հանձնաժողովների նախագահների հաշվետվությունները (կցվում են ստորև): Նա առանձնահատուկ շեշտադրմամբ անդրադարձավ հանձնաժողովների նախագահների կողմից կատարված առաջարկություններին, որոնք ըստ էության վերաբերվում էին ուսանողների ավարտական աշխատանքներում և թեզերում հետազոտական և մեթոդական բաղադրիչների, ինչպես նաև աշխատանքների

ներածական, տեքստային մասերի ու եզրակացությունների ներքին փոխկապակցվածությանը:

**Արտահայտվեցին-** Ս. Պիպոյանը, Ա. Խոյեցյանը, Լ. Ավանեսյանը, ովքեր կարևորեցին հանձնաժողովների նախագահների առաջարկությունները և հավաստեցին, որ դրանք պարտադիր հաշվի կառնվեն:

**Որոշեցին-** Ռ. Սադոյանի հաղորդումը ընդունել ի գիտություն:

**Լսեցին-** Ռ. Սադոյանի հաղորդումը 2020-2021 ուս. տարվա 2-րդ կիսամյակի քննաշրջանի արդյունքների վերաբերյալ(քննաշրջանի արդյունքները կցվում են ստորև):

**Որոշեցին-** Ընդունել ի գիտություն:

**Լսեցին-** Ամբիոնների վարիչների տեղեկատվությունը առկա ուսուցման մագիստրատուրայի 1-ին կուրսի և հեռակա ուսուցման մագիստրատուրայի 1-ին և 2-րդ կուրսերի մագիստրոսական թեզերի կատարման ընթացքի վերաբերյալ:

**Արտահայտվեցին-** Ա. Խոյեցյանը, Ս. Պիպոյանը, Ռ. Սադոյանը, ովքեր նկատեցին, որ մագիստրոսական թեզերի կատարման ընթացքը մշտապես գտնվում է ամբիոնների ուշադրության կենտրոնում, ամբիոնների կողմից կատարվում են պարբերաբար մշտադիտարկումներ, թեզերի ղեկավարներն ու կատարող ուսանողները պարբերաբար ներկայացնում են հաշվետվություններ կատարվող աշխատանքների վերաբերյալ:

**Որոշեցին-** Ամբիոնների վարիչների հաղորդումն ընդունել ի գիտություն:

**Լսեցին-** Ամբիոնների վարիչների հաշվետվությունը 2020-2021 ուս. տարում ամբիոններում կատարված աշխատանքների վերաբերյալ:

**Արտահայտվեցին-** Ա. Խոյեցյանը, Ս. Պիպոյանը, Ռ. Սադոյանը, ովքեր ներկայացրեցին ամբիոնների պրոֆեսորադասախոսական անձնակազմի կողմից իրականացված ուսումնակրթական, մանկավարժամեթոդական և գիտական աշխատանքների ամփոփ հաշվետվությունը(ամբիոնների վարիչների ամփոփ հաշվետվությունները կցվում են ստորև):

**Որոշեցին-** Ամբիոնների վարիչների հաշվետվությունը ընդունել ի գիտություն:

**Լսեցին-** Ն. Սամվելյանի տեղեկատվությունը ամբիոններում 2021թ.-ի 1-ին կիսամյակում ամբիոնների գիտական հրատարակությունների վերաբերյալ:  
Ն. Սամվելյանը ներկայացրեց ամբիոններում կատարված գիտական աշխատանքների ամփոփ հաշվետվությունը(հաշվետվությունը կցվում է ստորև):

**Լսեցին-** Ռ. Միմոնյանի հաղորդումը բակալավրիատի առկա ուսուցման 2-րդ և 3-րդ կուրսերի պրակտիկայի պաշտպանության արդյունքների վերաբերյալ: Նա նշեց, որ 2-րդ կուրսի պրակտիկայի մասնակցած և գնահատված ուսանողների ընդհանուր թիվը կազմել է 31, որոնցից 20 ուսանող՝ կենսաբանություն և 11 ուսանող՝ աշխարհագրություն մասնագիտություններից: 31 ուսանողներից 19-ը գնահատվել են գերազանց, 9-ը՝ լավ, 2-ը՝ բավարար և 1-ը՝ անբավարար(Առաքելյան Սյուզին չի մասնակցել թղթապանակի պաշտպանությանը): Նա նաև նշեց, որ Կենսաբանություն մասնագիտությունից 6 ուսանող, ովքեր ի սկզբանե եղել են հրամանի հիմքի ցուցակում,

տարբեր պատճառներով չեն մասնակցել պրակտիկային: Աշխարհագրություն մասնագիտությունից պրակտիկային չի մասնակցել 2 ուսանող: 3-րդ կուրսերի պրակտիկային մասնակցել է 38 ուսանող՝ 25-ը՝ կենսաբանություն, 13-ը՝ աշխարհագրություն մասնագիտություններից: Պրակտիկան չի անցել Աշխարհագրություն մասնագիտության 1 ուսանող՝ Աստոյան Արմինե, ով ունի առողջական խնդիրներ: 2 ուսանող էլ անցել են պրակտիկան, սակայն չեն մասնակցել պրակտիկայի պաշտպանությանը( Չանդարյան Քնարիկ և Մուրադյան Տաթևիկ): Պրակտիկայի մասնակցած և գնահատված ուսանողներից 22-ը ստացել են գերազանց, 13-ը՝ լավ, 1-ը՝ բավարար, 2-ը՝ անբավարար:

**Որոշեցին-** Ընդունել ի գիտություն:

**Լսեցին-** Ֆակուլտետի ուս. խորհրդի նախագահ Ն. Գրիգորյանի տարեկան հաշվետվությունը 2020-2021 ուս. տարում կատարած աշխատանքների վերաբերյալ(հաշվետվությունը կցվում է ստորև):

**Արտահայտվեցին-** Ռ. Սադոյանը, Ա. Խոյեցյանը, Ս. Պիպոյանը, ովքեր ֆակուլտետի ուս. խորհրդի կատարած աշխատանքները գնահատեցին բավարար:

**Որոշեցին-** Ն. Գրիգորյանի հաշվետվությունը ընդունել ի գիտություն:

**Կենսաբանության, քիմիայի և աշխարհագրության**

**Ֆակուլտետի խորհրդի նախագահ՝**

**Նհատի քարտուղար՝**

**Ռ. Սադոյան**

**Ն. Սամվելյան**